

浮梁縣志卷之九

列女

節婦

烈婦

貞女

賢媛



婦德恒貞故夫髡彼兩髦實惟我儀百歲之後歸於其居  
斯執義之最正者也其或變起倉卒一息千秋而能致命  
遂志甘死如飴諒為烈士何以加焉若乃一殞兩天捐軀  
相殉雖仁者不以此立教可不謂丈夫女子哉復有芳閨  
淑質請期未逮廟見云遙正在從父之時原無許身之道  
乃我心匪石至不可轉蓋奇氣挺生難拘常禮歸妹九二  
所稱利幽人之貞非耶如右所次襄徽今範崇崇相望要  
之風教樹焉然自劉向作列女傳體備勸懲史家志美賢

才兼收故增入賢媛如孟德曜桓少君陶長沙呂中國諸  
母寧不亦輝揚彤管光生女史歟嗚呼阜山昌水固饒清  
淑何鍾於中閨者特厚也作列女志

節婦

明

黃泰亨妻張氏名芹芳年二十二夫亡子方週撫孤守節洪

武閭旌表

戚氏一門雙節自貴妻臧氏名淨真遂叔妻吳氏名柔真臧  
年二十五夫亡撫遺腹子遭兵室焚與吳負孤自匿以全  
吳年二十六夫亡子方四歲避難潔身教子成立俱洪武  
閭旌表

鄭敬成妻王氏名守貞年二十八而寡節操潔白撫前妻子  
如己出洪武閭旌表

金添麟妻鄭氏名德娘年二十九舅姑與夫繼歿時苦兵撫  
九歲孤自守終其志事閭旌表

吳忠妻彭氏名菊真忠承樂問進士知臨高死於瘴彭時年  
二十八子夢祥甫週携子扶櫬自海島歸哀慟感人以節  
終

范偉妻黃氏年少而寡守貞以終承樂閭旌之

方道忠妻徐氏年二十夫故礪節以老足不出戶庭承樂閭  
旌表建貞節坊

陳斯南妻汪氏斯南上義郡人死時汪年未三十或勸之改

適汪萬白爾乃禽獸視人耶老姑穉子何恃以生卒終其志宣德閭旌表

侯傑妻汪氏名奇秀年十八婚七月而傑亡生遺腹子以節終

汪映妻李氏名引弟年十九無子而寡深居不與人接有司三表其堂

曹貴安妻汪氏名再珍貴安勸義都人汪年二十四子生七月而去故依其似朱氏朱俾刻聽做子讒苛過之屢逼他適汪不從保孤完節以歿戴郎中祇有傳

汪文琦妻張氏名國珍洋村珉之女歸文琦於夏田景泰元年文琦故張方十九生子僅三月齒指自誓苦節植孤年

七十餘卒其曾孫相有與曹北崖簡言張事也載藝文志舉人鄧謙妻戴氏謙以禮闈火死戴年二十二哀毀踰禮苦守終節詔旌其門建坊曰貞節坊

舉人閔鳳妻孫氏鳳攜疾孫顛天以身代既死哀毀幾絕有司教以其事閔孫屢止之曰此分內事何必乃爾石室潘葵贊其像有百年苦節一掬寒冰不求表暴乃真節婦之語

庠生閔希孟妻盧氏孟歿時盧年二十八撫二孤終其志

戴文吉妻潘氏年二十三寡而無子誓節以終

戴鑊妻李氏名閨秀年二十一生子方晬而寡孝事祖姑繼

姑守節終身

程時敏妻汪氏名瑞香年二十二無子而寡守志不渝  
甯秦妻馮氏名春秀年二十四撫孤完節

吳榮富妻姚氏名貞真年二十六守一子以節終

劉以敬妻朱氏名侃真年二十二生子三月而寡所親敬尊  
其志懷刃自衛完節以歿

查良妻吳氏名曰真良卒吳年二十六撫子允娶妻程氏名  
迎弟允又亡程年二十八生子襁褓備歷孤苦有司表其

堂曰繼節

王驛妻張氏名亨貞年二十五夫亡無子斷髮自誓嘉靖二  
年旌表

詹文振妻鮑氏事姑孝姑病割股以療夫亡撫孤守節卒完

其志

張太素妻徐氏名禮真庠生璽之女年二十二一女而寡寧

庶人兵亂鄉民走竄徐守夫靈不避有逼娶者截髮拒之  
以節終

庠生彭一鶚妻姚氏一鶚卒時姚年二十三食貧厲節以終  
其身

北鄉孝女年十二隨其父鋤麥於田有虎啣父去女號慟走  
援虎曳至山麓舍父而嚙女棄之去兩屍俱全以莖當時  
士大夫有詩咏其事惜詩逸而女姓氏不傳也

李 昂女名韶英幼超異侍父讀書即能記誦年二十歸其  
夫適年而死平日詩藁甚多父母見輒恻傷盡焚之有傳

其二二云閨將翠羽剪花鈿小妹牽絲放紙鳶門掩不知  
天子晚起凭香几看爐煙又諭弟鷓云養兒先已累爺娘  
又教經史習文章只願一日姓名香豈覓梨栗與羊薑又  
夫生來志四方爾鵠爾鶻當自強

吳錦

通志府志俱誤作錦

妻陳氏名滿真年二十四而寡撫二女夫志

不渝姑與夫弟密受鄱陽人聘陳知自縊死時嘉靖十一

年正月

李素妻徐氏名蔭弟八歲歸素家而素性戾不可言徐年及

笄所親諷曰汝夫終不能成禮宜別圖之徐曰命也死作

李氏鬼素死姑將嫁之自縊死時嘉靖二十九年也

洪例妻汪氏名紺真年二十二夫亡無子其父屢欲嫁之潛

自縊死

程準妻方氏名鼎十一女守節卒全其貞

監生鄭昭繼妻王氏昭故王以節終

李信榮妻方氏名妃真年二十一夫亡遺腹生子守節撫之

黃宗鐸妻李氏年少而寡守節歿身

庠生閔達妻藍氏名毓秀達卒藍以青年甘貧厲志撫八歲

孤訓之成名

曹春四妻陳氏名徵真年二十四無子而寡舅姑亦歿伯氏

逼之他適願自降為婢以居伯氏悟遂留之

洪尹仁妻張氏名靖真年十八生子五月而寡舅姑欲嫁之

張兩手執耳環曰舅姑聘我惟此物耳遂裂耳環之血流

滿衣自是無敢復言

程富景妻汪氏早寡以紡績自給撫孤成立守節四十餘年而卒

吳思政妻董氏名多真年二十而寡孝事舅姑撫孤成立徐鐸妻戴氏名味真年二十二而寡以節終

甯霽妻朱氏名娟真年二十二而寡以節終

徐安妻閔氏名乾真年二十一夫亡守節以終

王時中妻閔氏名婉真年十八婚甫一月夫亡甘貧屬操稱

苦節

李常森妻甯氏名瑩玉年十九而寡以節終

何耿妻方氏年二十三夫亡勵志守節以終

王虎妻閔氏年二十三生一子家大疫夫與翁姑俱死閔撫其孤以終

金氏二節婦傳

通志謄作傳

妻李氏其姪名朝妻朱氏李早寡撫

伯子以存夫祀斷髮毀容拒絕求者完節以終朱夫亡懷片石於胸絕水漿七日而死萬歷二十六年同旌陳大綬為著雙節傳

戴文溥妻李氏名芸香年十九而寡遺腹生子誓志撫之

余琮妻閔氏名益弟年二十四無子而寡撫一女紡績度日

屏膏沐匱形影四十餘年雖親族罕覩其面院道旌之曰

苦節

查汝震妻萬氏年十八而寡無子食貧守節以終

庠生方學孔妻李氏學孔歿時李年二十一誓撫遺孤以終  
庠生黃惟彥妻閔氏名良玉惟彥無子而天時閔年二十九  
閔素事舅姑以孝聞既寡誓守以養姑立伯氏次子綴嗣  
持齋誦內典以姑共處一室獨一老婢侍三尺之童不得  
窺其面萬曆間邑宰旌之卒年五十二與姑合塋

張燈繼妻黃氏年三十而燈卒無子燈前妻所舉子亦早逝  
黃與其婦勤撫幼孫以至成立

汪溥妻蘇氏其季子愛中妻夏氏桃塋二節婦也蘇年十六  
歸溥二十七溥故欲以身殉遺有四子因母勸忍痛教育  
為愛中娶夏氏名閨清甫生一子二十二歲復寡將自盡  
蘇指身開示夏剪髮依姑閨三年吳告姑曰夫腹已滿極

已厝子稍長姑有似奉晨昏可以下報亡人矣絕食七日  
而死蘇代撫其孤壽終八十八

張灝妻余氏年二十四而寡余艷於姿請為室者踵相接阿  
翁百計撓其節竟不得奪苦守七載翁姑亡有二子亦夭  
余氏淚盡繼以血至米漿不入口成疾而卒

王淮妻張氏年二十餘而寡事姑孝卒年八十有二

吳時序妻劉氏名鍾秀年十九夫亡撫週歲孤以節終經旌  
獎

徐瑚妻丁氏夫故守節有司旌之壽至百有七歲

朱魯卿妻張氏名輝英贈知縣鳳祥女也幼事親孝長適魯  
卿竭力奉舅姑姑病疫痢晨夕扶持手自浣穢夜則焚香

願以身代魯卿赴縣試客死計聞哀痛屢欲自殺水漿不入口旬日念呱呱子女始強食截髮毀容即一蔬食必先泣進於亡人之柩茹荼含哀二十年目幾盲女嫁子復夫張撫屍曰忍死為孤耳孤亡尚何生為嘔血數斗而絕弟舉人汝醇為之狀陳大綬有傳萬歷四十三年事聞旌表汪廷輔妻朱氏滄溪人女十七歸廷輔於桃墅敦行婦道以孝稱會歲薦饑勇與祖姑繼姑先後亡一子又殤夫亦旋殞朱年二十六撫孤女誓死以守仲子百計奪之不可動盡以遺產讓仲子而自黽勉營葬諸喪既老猶織布償金佐措祠賞曰祠成喜吾三代得與享也年六十有四將終曰我死以素服殮埋我夫墓側及卒族設路祭哀聲夾道觀者泣下汪自如傳

庠生曹守儒妻汪氏名仲玉祁門人信之女性靜淑十七適守儒孝事繼姑婚二載守儒卒汪慟幾絕食必捧對靈几而哭家貧甚繼姑逼之他適百計凌虐者二十餘年始時父母憐之勸其從命汪以死拒後乃婉告姑曰老矣誰為娶老婦者乞相容奉姑益謹姑亦大悔立夫弟尚孫次子一偉為副訓之力學入庠享年八十有八而終平生雖篤疾不近醫足未嘗步堂中即嗣子娶婦不肯出受拜曰堂非隻影人立也塋守儒時為穴墓側既六十餘年卒合塋焉

張學惠妻吳氏名如玉幼莊靜父汝梅問訓以古人忠孝節



義事輒感慕不已十七適學惠四載夫亡生一子矢志撫孤舅有憾之之意輒牽孤涕泣以告婉轉孝養終得其歡叔氏利所有讓以膏腴甘貧紡績苦節自完雖母家中表至親未嘗覩其面

庠生程景萊妻汪氏景萊歿時汪年二十一一女又孀家貧甚持素苦守五十歲而亡

余尚仁妻黃氏年十七夫故一子一女皆孩穉繼姑悍不可事所親利其改適氏矢志靡他忍苦甘謹孝事繼姑得其歡心用能自安後子女相繼死人又諷之行氏截髮自明撫週歲繼嗣朝夕訓誨迄於成立

張應程妻朱氏年十六歸程程染痘死朱哭幾絕勉起視兒

痘兒又孀為姑無依忍痛強生家貧常自饑奉姑供養二十餘年力德志堅蓬首垢面懷刃以拒求者姑歿哀慕成病飲水十餘日而亡

程懋志妻李氏年二十八夫死痛哭歎殉剪髮自誓歷饑荒不渝志非祭夫寧母步不履堂逢夫誕朝亡日水漿不入口撫孤女衡訓督甚嚴以有成立壽七十終院道屢獎之舉人張士元妻鄭氏元赴春闈染痘死京師無子女時鄭年二十四聞訃痛絕而家貧常不舉火紡績易食拾薪自爨終無二志郿邑院道屢旌之兼有粟布之賜

朱聆妻汪氏年二十餘而寡家貧甚食力撫孤孤天節不改桃豎汪氏一門雙節繼禪妻鄭氏其從弟繼才妻程氏鄭年

二十夫亡矢志撫孤成名程二十一而寡守貞事姑孀得  
其歡心若不知老而無子也鄭以壽終程至八十餘卒

馮元五妻甯氏名芝香計札妻甯氏名鼎玉芝香為女時以  
孝聞年十五歸元五夫夫無嗣同養弟女鼎玉倚以自守  
貧苦百端失無他志鼎玉長適札六載札亦故無子而寡  
紡績以奉姑姑疾日夕侍湯藥不倦姑歿後與一老婢相  
依婢出閉門不鍵僅於門域下出鑰匙通啟閉以食有司  
以苦節表其廬

曹天雲妻葉氏名絹弟年十七而寡撫遺孤力貧紡績易米  
度日以完其節

朱定民妻鄭氏名高英年二十七守節撫子成立

金花妻計氏年二十餘砥節撫孤孤天撫孫備極艱苦

汪應運妻程氏年二十五應運死無子僅遺一女纔三歲族  
有利其財者逼使他適程不聽乘其歸寧令人穿室鑿竊  
所有絕其歸計程終不以貧改其人無可如何乃私受富  
室金期夜分強拉之程覺編鳴族長持刀誓死於祠族長  
慰藉之而并誦其人由是得終厥志年八十卒

方廷球妻曹氏年十八適球二十一而寡一女無子其兄弟  
俱勸之改適曹曰田舍人尚知禮義汝輩膠庠名士何得  
為此言矢志冰霜四十餘年如一日卒時六十有九

戴以賢東隅人妻范氏以賢卒時范年二十六厲志守節教  
子宗禹以明經任教諭萬歷間知縣葉逢時馬鳴起屢旌

之壽終七十有六

汪有漸夏田人妻張氏名茂芳張年十四來歸合卺二日有漸以試往郡月餘抱病返就醫別室誠氏不得往視既三月疾革始得相見一恻而有漸絕立志守節姑憐其少欲嫁之氏聞投深潭中家人急救之出不茹葷酒日夜拊心嘔血十餘年卒張汝醇有傳道府縣屢旌其堂

張道相妻金氏英溪人年二十三守節孝事舅姑子孔弋方七歲茹苦服勞撫訓成立壽八十有五

汪元騶桃塹人妻計氏年十七子歸半載元騶故矢志不二父經邦亟奪之死拒得已五十六歲而終崇正間郡倅王所州攝縣事旌曰天賦完節

朱復盛妻王氏復盛儒林都人萬歷間卒王年十八子僅二歲立志撫孤自食其力饘殮不繼弟善往省之不勝悲悼諷使為終身計王厲聲曰生為朱人死為朱鬼何出此言引厨刀欲自刎善自責失言乃止既而子娶婦生孫未幾皆頌王恫哭為大塚塋復盛祖孫父子其中鬻所居曩事以其餘卑族人供墓祀身自借棲鄰居廊下終身焉

金禮妻范氏名朱弟禮北隅人死時范年二十一姑憐其少欲令再適以死自誓遂為立繼屏華絕甘儉約以撫嗣子教讀昏娶崇禎十五年饑土寇猖獗城中戒嚴范曰設有不虞我未亡人不可出走遂不食而死年三十知縣朱應

賜旌之

金釐妻胡氏鰥原都人歿時胡年十八剪髮毀容矢志不  
二素知書卷晚大意鄰族女子多從受女孝經論語諸書  
為女師焉年八十崇正間有司旌之

朱鐸妻鄭氏鐸儒林都人死時鄭年二十七撫子夢罷守節  
四十五載人無間言崇正十六年建德鄭家宰三俊表之  
張尚萃法京都人妻鄭氏年二十四尚萃歿家赤貧衣米不  
繼辛勤守節撫子有成後其子生員文彥為塾師對酒肉  
輒涕泣痛母始食之儉也母歿遂茹蔬終身

方維新妻吳氏維新長安都人死時吳年二十矢志冰霜孝  
事舅姑撫二子其義其禮成立崇正間知縣傅元初旌之  
汪榮祖妻程氏名端姬榮祖城門都人歿時程年二十崇正

末兵亂將掠及村衆爭走避程獨不出或詢之曰予無夫  
無子雜男女無別中偷生不如死榮祖之族曰通陽妻名  
德儂本端姬從姊也憐而與偕留同匿屋側被獲欲汙之  
並以死拒鞭笞交加終不從繫而曳之行至溪邊一躍而  
下德儂隨之俱死焉

陳可則妻汪氏名秀蘭可則興福都人汪歸一載可則亡汪  
年十九夫志不二整舅姑及夫立已穴於夫側服滿祭夫  
訖絕粒不食七日而卒崇正五年事聞詔旌其門

陳世耀妻程氏名順英年二十四夫亡守節事舅姑教二子  
俱入泮壽七十卒

戴德勝妻李氏德勝北隅人死時李年二十二子國慶甫四

歲厲志守節伯利其產逼改嫁李分其半以奉伯乃得免  
伯復中變携子居舅氏家延師誨訓遂為聞人崇正間郡  
邑兩旌之七十有四而終

查介如妻范氏名閨秀事姑至孝夫遊學外郡姑嘗遭疾家  
貧無力延醫范焚香籲天三次刲股愈姑危病姑至七十  
七卒哀痛踰節泣血幾絕崇正間知縣朱應賜旌其門

鄭楷妻胡氏名佩玉楷上梅田都人死時明年十九守節撫  
孤崇正間邑令旌之六十二歲卒

吳道立妻朱氏道立新正都人歿時朱年二十二厲節操撫  
子宗孟成立後宗孟妻陳氏二十四復寡有勸之再適者  
陳曰吾姑守節更少我二歲我若有他何以見姑地下撫

其子家桂亦底於成七十卒

朱士俊妻程氏士俊長安都人既卒程年十九守節崇正十  
六年知縣徐有佐旌之

庠生王捷妻黃氏捷三龍人崇正未潰寇將入境黃方少艾  
捷謀避山中既而寇攻縣次於三龍黃被擄以死拒寇怒  
剗刃腹下刮其身棄刃而去見者流涕

胡天任妻王氏名鮮英夫死守節紡績教子以壽終  
庠生王用福妻方氏名永貞用福卒時方年二十二以節自  
天孝事公姑紡績教子崇正間知縣徐有佐旌之

朱家賓妻汪氏家賓流溪人死時汪年二十六子士龍方三  
歲另有寵妾凌逼多端汪忍受不辭延師教子夜操機杼

以勸尹唔子補邑諸生鄉里稱女中楷模臨終囑媳及女曰吾日夜執紡車三十年豈為不足以衣食實以收束身心做好人耳汝輩宜知之崇正閭署縣楊令旌之

鄭司卿妻汪氏名芷玉年二十六夫亡媳方氏亦早寡姑媳相依茹荼矢志成孤節孝著聞壽各七十而終建德鄭家宰三俊旌其門

國朝

張良傑妻鄭氏年二十八而寡子廷美方七歲族有利其他適者逼之使去鄭以允拒之曰夫家七世單傳僅存一綫我負夫而不成立其子如祭祀何人知其不可奪乃不復迎孀居五十年冰霜凜然邑令妻維嵩以扁旌之卒時八

十有四

朱詢妻王氏詢以口人死時王年十六一子甫二歲亦亡推遺一女甘貧守節以養舅姑父兄欲奪其志不從順治七年王二十有八有富家鄭某謀娶之母家已許矣王知之設蔬飯招妯娌來曰明日遂行終身不復見願以此話別言談自若忽冷笑曰若等着我明日與常不同非四人控我不能也衆笑曰若尚欲作新人樣乎抵暮闔門沐浴審縫其衣入室自經女初呼猶應既寂然死矣

余道行妻許氏年二十而寡勤紡績甘淡泊以撫幼子明末荒亂交逼備極艱辛壽六十卒

方廷慧妻王氏廷慧西隅人死明崇正元年時王年二十四

無出有妾戴氏生子茂華茂嗣偕之以守或欲搖王截髮  
自誓曰吾所以不死者為舅姑與二子耳必歆奪吾志惟  
以身殉而已自是人不敢復言同戴竭力事舅姑撫子成  
立卒年五十九呼二子曰吾今可見汝父於地下矣

吳國賓妻章氏名月容國賓下牧田都人死時章年二十一  
植孤守貞無二志善奉舅姑既歿事舅妾亦無缺禮及父  
母喪無子又為章門襄事人稱節孝壽六十有六卒

施正誇妻計氏正誇鴉橋人比故計年二十一力貧養姑守  
節五十載知縣王虞吉旌之壽七十卒

金文煇英溪人妻朱氏滄溪人二十而寡盟心守節立不踰  
閭冰霜凜凜知縣王虞吉旌之年七十卒

孫耀妻汪氏名琅台年二十二喪夫子添祐纔三歲守節撫  
之姑胡氏老而多病汪竭力以養歲荒為人縫紉易米奉  
姑而自食草根莖姑婚子備極艱苦壽八十卒

庠生張允盛妻湯氏名招弟允盛舉人世卿之子也及卒湯  
年甫十八夫節靡他撫妾子振先如己出既振先亦夫撫  
一孫女茹荼五十年未嘗見齒康熙二年疾革邑紳士為  
請於縣令蕭蘊樞急旌之欲及其生見也目將瞑矣家  
人呼以告聞目應曰吾為所當為不為此也言訖而逝

庠生施孔照妻鄭氏孔照卒時鄭年二十三夫節不移教子  
克紹并香壽八十知縣蕭蘊樞旌其堂

廩生李思家妻吳氏名即弟思家兄弟皆艱於嗣吳甫適即

勸夫約符氏春容為妾符舉一子名璣未週夫卒二氏合志守節艱苦備嘗撫孤成立訓子嚴御下寬康熙甲寅間相繼卒

趙惟彥妻汪氏名婉容惟彥梓舟都人汪年十五歸惟彥生男甫一月而寡枕尸號慟誓死不變奉翁姑養生送死撫孤子延師擇配俱無愧憾未五十而終子允謀泣血廬墓卒以孝聞嘗病劇其妻汪氏聞弟籲天愈夫疾後亦以烈著節孝萃於一門舉人汪演為之狀當事旌之

閔一龍妻汪氏名節第一龍西隅人既卒汪年少守節撫三子昏娶成立邑紳士請於當事旌之曰節堅匪石

史志尚妻程氏志尚長鄉都人死時程年二十六性慧知書

通大義既寡或諷之改適刺目自誓督子力學壽七十八以節終

戴某妻查氏名節弟戴家北隅查既歸早年喪夫矢志守節終身不渝

汪振泰妻何氏名錦弟振泰義合都人何年十八歸振泰逾年振泰患痼疾何百計求治不愈乃潛詣土神廟請以身代是夕即逝鄉里異而哀之

增生程士昌妻朱氏名有弟士昌興福都人值兵變士昌以拒賊捐軀時朱年二十九挈二孤避亂三載藜藿不充寇靖歸養舅姑堇祭以禮守節五十五載八十有四而終

董銅妻程氏名重真銅里仁都肇建人死時程年二十七夫



志撫孤其母諷之再醮泣以拒紡績自給課子嚴切卒抵於成六十有七而終至今曾元林立書香不斷人謂節婦有後云

庠生查元選妻蔣氏元選上義都桂溪人卒時蔣年二十三守節撫孤成立壽終七十有七

庠生馮繼祐妻鄭氏名閨淑繼祐杭溪都人擅譽諸生齋志以歿鄭性端凝嘖笑必慎二十四而寡盟心砥操遭家多故撫幼叔植藐孤皆得樹立中經康熙寅卯間寇變濟險保家備極辛勤始終五六十年不以盛衰稍渝卒年八十有五督學使旌曰節壽流芳厥後孫枝繩繩先業遂大人謂貞淑之報云

李應璉妻汪氏應璉勸義都人死時汪年二十四撫孤守節六十有二而終

庠生汪愈妻馮氏名菊英馮年二十一愈卒守節撫子國材成立亦列膠庠五十有九而終縣宰旌之

曹鼎梅勸義都人妻吳氏蓉芳年二十九鼎梅故誓以身殉勺飲不入口時家貧姑老呼曰汝孝婦奈何重傷我因強食勤女紅奉姑倍謹親書夫主於壺事如生存久之姑亡服闋乃審縫其衣囑曰死後勿解或止之吳曰昔以安姑今以從夫吾何求哉絕粒七日而死

李神佑妻張氏名夢真神佑里仁都人張年二十九而寡食貧砥節撫二子成立壽終七十有四

庠生方銓妻范氏銓西隅人卒時范年二十九僅遺一女冰  
霜自天擇其姪日進為夫後長育訓誨書香以延平生深  
閨動息暗與禮合不輕舉步中堂雖至親罕覩其面臨川  
李少司徒紱有傳

汪欲明妻計氏欲明桃墅人死時計年二十一厲志撫孤備  
歷艱苦七十有九而卒

吳茂蘭妻詹氏名貴弟茂蘭新正都人死時詹年二十二安  
貧撫子康熙間當事屢旌其節七十九歲而終

監生李仲蕃妻俞氏仲蕃東隅人俞年二十六而寡一子守  
志壽終八十有二

庠生施之巖妻計氏名如桂之巖杭溪都人計年二十五夫

亡無子貧而夫節女紅自活足不履戶庭知縣程鯤化旌  
之壽終八十有二

黃重妻沈氏名瑤弟重里仁都人沈年二十夫故砥孤操植  
遺腹謀之成才子復天死鬱鬱成疾卒時五十有三歲

朱世芳妻章氏名再弟世芳石斛人章年二十六世芳疾革  
語曰以老母弱息累汝章曰諾及卒厲節操奉姑孺謹撫  
子有成五十六歲而終舉人朱明淵有傳

鮑宗昭妻吳氏宗昭福義都人吳年二十四而寡植志撫子  
孝事翁姑龜勉殯葬六十餘卒

郡庠生汪國光繼妻王氏國光桃墅人王年十七歸國光事  
姑孝謹嘗剔右股已姑疾國光尋病剗左股以進不效疾

革王許以身殉及卒引刀自裁家人碎奪之乃乘夜難經於卧樓救而蘇有隣媪以終喪勸王是其議服滿亟求死或曰姑已老宜少緩須臾王痛曰吾死決矣既嫁無子義止從夫宜死一信誓旦旦言不可食宜死二河姑在堂孝歸仲氏殺身成仁亦姑樂聞宜死三為人子媳上壽無疆若曰俟終天年乃全吾志無禮甚矣宜死四絕粒七日而死死時二十有一康熙二十三年也後知縣徐宏祖旌之汪璉有傳

滕溪金氏二節婦良過妻鄭氏名巽弟其弟良史妻鄭氏名儀容巽弟年十八昏半載而夫故對樞焚嫁時衣剪髮誓志時姑甚漸哀而良史尚幼巽弟不以無子故情其勤劬

及良史長受室生二子未幾復夭儀容二十有四砥操不移與巽弟同甘荼苦訓孤之珍之玃俱列膠庠二氏並以完節壽幾八旬而卒

金宗麟妻汪氏名淑妹心一女也心一宗麟並有傳汪生有至性幼即愛讀內則遭父喪哀慕誠切刻木容事如生存長歸宗麟修行婦道刲股已姑疾康熙寅郊間避難山中賊猝至舉家四竄翁以老羸踰巖穴汪獨留侍翁賊執翁去索金帛不得將殺之汪竭奩中物以請未饜賊意乃伏於營前而哭三日夜不絕聲渠賊語其黨曰真孝婦也遂釋翁奉以歸賊平縣令學博屢獎之

吳長春妻胡氏長春益源都人死時胡年二十八立志不再

通勤督五子力田自活康熙間知縣高登第旌之八十有三歲而終

王日拱妻金氏其子任藹妻盛氏興禮都郭源二節婦也金年二十四日拱故夫志不二為任藹娶盛氏生子方積尚在襁褓任藹復夭死盛甚尤少依姑以守撫方積成立金既老康熙間知縣高登第旌曰淑節純禧壽終七十有五盛當郡守沈李楷攝縣時旌曰婺星煥彩乾隆初與沾

恩賜絹米享年八十餘

程日曙妻吳氏名錦容日曙新正都人吳年二十一而寡無子守節力貧以養以姑既老族里嘉其行將以旌請吳不許曰盡吾心耳何忍自矜名節壽終八十有二

金元瓊妻鄭氏名昆貞元瓊滕溪人死時鄭年二十守志撫孤五十四歲卒康熙間知縣謝汝梅旌曰節堅如玉

鮑時振妻王氏名鼎弟時振建溪人王年二十而寡姑老子幼家貧歲薦饑王仰事俯育苦節不渝康熙間知縣謝汝梅旌其堂六十三歲卒

甯士立妻潘氏名壽弟士立下義合都人無子而夫潘年二十二廿貧茹苦為夫立後五十四歲以節終

余一春妻錢氏一春下長源都人錢年二十四而寡力貧厲操育遺腹孤甫抱孫子又故錢復撫之成立壽終八十三施應千妻計氏名接弟應千杭溪都人死時計年二十八家貧歲荒或詛之改適計不可撫三孤有成康熙間知縣謝

汝梅旌之五十九歲卒

李大喜妻王氏名招弟大喜新田都人壬午年二十一而寡守節撫四歲孤孝事姑孀人無間言六十九歲卒康熙間知縣謝汝梅嘗旌曰操守冰霜

吳茂錫妻施氏名有弟茂錫新正都人施年二十四茂錫卒樹操峻潔教孤有法及弄孫復勤督之雍正十三年壽臻七十有九薰沐危坐無疾而終歿時猶諄諄以孝弟廉節勉其子姓先是知縣謝汝梅獎曰壺內完人

朱兆熊妻李氏名貞弟兆熊勸義都人李十七于歸二載夫故先是其姑亦早寡而夫又不嗣李守節立後奉姑甚謹族里稱其節孝康熙雍正間有司屢旌之年終七十有一

程夢虎妻曹氏夢虎鎮市都人死時曹年二十九三子俱幼

家徒壁立曹力貧撫孤苦節而亨康熙間屢為當事所獎壽七十餘

李文昇妻朱氏年二十八夫亡一子六齡康熙寅卯間土寇猖獗流離艱辛保孤全節五十八年暑縣劉公津旌之壽終八十有二

計日燭妻吳氏名安貞日燭西里都人死時子士英始孩父母皆哀慕吳年二十一立志自守仰事俯育曲盡其道四十二歲卒雍正初督學使徐公昂發旌曰松筠節操

庠生程于魁妻孫氏名碧真于魁西隅人孫年十七歸于魁值疾篤孫刲股以進獲愈閱數載于魁卒時孫方二十有

子甫畔其繼嫡王氏生子僅半月二氏矢志偕守王亦尋  
故而翁姑尚在皆衰老孫竭力孝養及歿塋祭盡禮撫二  
孤昏教有成康熙間嘗遭甲寅寇變避匿山中冰玉無瑕  
壽終七十有七

庠生姚標妻朱氏名寶弟標西隅人朱年二十七而標故甘  
貧苦守撫有二子教誨成立壽踰七十而卒長嗣庠生上  
進自有傳孫循義以拔貢任閩清知縣時人謂皆朱出貞  
之報

方應筠妻李氏名早弟應筠西隅人死時李年二十九門無  
期親苦節自貞撫兩孤成立列名黌宮既老當事旌其廬  
曰柏孫鶴善壽七十有七終

范景轍妻李氏名崐玉景轍西隅人既歿李年二十八撫子  
有成五十八歲卒

張廷璩妻劉氏名聖第廷璩新正都人劉年十八歸廷璩廷  
璩遭劇疾劉禱以身代劉股力救至二十四而寡僅育一  
女矢志自守撫姪學巖為嗣無何又天復以姪孫日曇為  
學巖後孀居五十餘載學使楊顥縣令吳邦基皆給額旌  
獎

章鳴楨妻陳氏名春芳鳴楨西里都人陳年三十而寡一子  
守節壽終八十有五雍正間知縣吳邦基旌之

李發保妻臧氏名黑女發保界田人臧年二十六夫亡撫四  
齡孤五十歲全節終雍正間知縣張景蒼旌曰冰霜清操

汪士紋妻王氏士紋桃壻人死於康熙年間王家貧早寡二子一女皆幼乃挑菜拾橡或傭織賃舂以為活伯仲導之他適拒不許遂陰受某氏金將乘夜劫之以去王覺走匿得免其父亦謂女良苦難全王因鬻一指血淋漓誓死明志父為大戚遂曲護之王益剝厲用織書筋力為產為子女畢昏嫁苦節三十九年壽六十七而終知縣謝汝梅旌其門汪堯有傳

施景旦妻汪氏名貴慶景旦鴉橋人汪性貞淑十六歸景旦二十四而寡一子守節長育成才守翁姑以孝聞諸姑伯姊之間帖如也雍正八年知縣沈嘉徵著曰節越松筠壽終八十有四

汪永遠妻戴氏永遠義合都程村人初艱於嗣戴勸其納妾生子方晬永遠故妾亦繼亡時戴年三十矢節撫孤恩若己出其後以昌壽七十餘

姚永堅妻閔氏名鼎弟永堅西隅人閔年二十七而寡恩窮樹節撫二孤有成知縣沈嘉徵嘗頌其堂曰柏心鶴筍壽終七十有三

庠生詹崇茵妻孫氏崇茵北隅人採歸三載崇茵亡青年無子盟心厲節四十餘春若一日六十一歲卒

余良生妻陳氏年二十二夫亡守節撫子養姑操作不懈七十有二歲卒

方如珊妻張氏名富貞如珊長安都人張性莊靜不苟言笑

年二十九夫亡守貞灌園蒔蔬雖病不廢紡績以供姑膳  
撫子成立雍正間知縣沈嘉徵署其廬曰柏節堪風七十  
歲卒

汪斗遠妻何氏名連玉斗遠義合都人死時何年二十三植  
節訓子卒全其志五十有八而終

庠生鄭懋璵妻楊氏名月桂懋璵騰鳳都人妻李氏福弟自  
以不宜男故勸納楊楊甫十七明年生子維祺未及週懋  
璵病且死語李曰惟汝撫孤楊聽他適楊大恸以死自誓  
懋璵卒遂留與李俱守更二十四載以節終李有母儀教  
子成才壽八十餘

汪世隆妻方氏名勵姬世隆桃墅人有俊才方年十八來歸

越三載世隆即郡試溺鄱江方時有遺腹忍痛強活已而  
生女號泣求死死矣復蘇曰妾不可死也未為夫立嗣而  
女亦夫之血綫也從容守制十餘年女既字立其姪為夫  
後喟然曰妾今可以死矣暴疾不飲藥卒貢生汪鴻基有  
傳

陳自佑妻程氏名康容自佑興福都人死時程年二十二無  
子守節孝事翁姑撫姪為夫後雍正間督學使傅公王雲  
旌曰凌霜傲雪程性貞且賢嘗捐貲造鸞嘴橋人利賴之  
六十歲卒

方日升妻王氏日升西隅人死時王年二十九養姑竭力訓  
子成名守節三十八年而卒



夏永麟妻汪氏名發弟永麟梓舟都人汪既歸修行婦道嘗  
刵右股已太翁疾姑病進左股年二十六夫亡守節遺孤  
七歲而殤遂斷葷酒五十有二卒督學使于公辰旌之  
章國典妻盧氏國典估口都人虛年二十三夫亡自誓貧不  
易操立姪續後以母儀稱知縣吳邦基獎之卒年七十二  
歲

傅作楫妻洪氏年十九夫亡子幼矢志植孤傅本貧洪依其  
兄亦柳以守始終不渝至五十八歲卒

程文通妻姚氏文通魚步都人姚十九結褵二十殞所天一  
子始生七月家貧宗敬不絕如綫忍饑寒勤操作潔已完  
貞撫孤延嗣有能人所難能者卒年五十有四

潘奴妻彭氏名友蘭奴新安都人彭年三十三夫亡無嗣甘  
貧守貞七十餘歲而卒

李元旺妻朱氏名冬芳元旺新田都人朱年二十六元旺故  
一子守節紡績御窮壽終七十有六沈令旌曰節操流芳  
鄭士龍妻汪氏士龍上梅田都人汪年二十四士龍故孑然  
嫠婦幸有身惟待媿以决生死已而果詭男嘆曰未亡人  
不得速從夫君地下矣撫子居貞音容不出於壺訓其孤  
有成壽近七旬而終

洪兆熊妻李氏兆熊東隅人李年二十五而寡苦守三孤其  
長之桂籛於庠與仲復天死聞者哀之壽終七十有八

吳宗秀妻潘氏名引芳其子士琦妻李氏名接弟新正都二

節婦也潘年二十夫亡矢志奉姑嫜撫三月孤土琦成立為妻李氏生子僅三齡士琦復夭死時李二十有六依姑苦守兩楚一心並以節終卒延吳祀

王元彪妻吳氏名東潔元彪梓舟都人吳年二十生子始孩元彪故撫孤屬節壽八十有二

吳思文妻胡氏名瑞貞思文城門都人死時胡年二十子僅一歲撫孤守節壽終九十有二

戴應昌妻朱氏名黑弟應昌北隅人死時朱年二十四甘貧厲操以植二孤

鄭紹賢妻王氏名順貞紹賢騰鳳都人死時王年二十三養姑撫女不移其操壽七十餘

方應會妻吳氏年二十三而寡夫志育孤既成復天撫三孫恩勤備至長孫宗旦名入膠庠學憲金旌曰冰雪堅貞壽八十與沾

皇恩綉米壽終九十

章元德妻朱氏名季青元德法京都人朱年十九歸未踰歲元德卒慟絕欲殉聽所親勸毀容稱未亡人迨後姑亟遣之終不奪一生不與吉事年近七旬冰操凜然

馮大業妻劉氏名長桂大業杭溪都人本儒家子劉年十七歸大業學績伴讀恬如也越二載大業卒劉痛欲殉所親諭以立後奉公姑劉然之執婦禮彌謹擇繼嗣撫之成立督學使沈公翼織旌曰大節永年壽六十有七

鄭文嘉妻朱氏名芹初文嘉上梅田都人朱年二十八而寡貧不渝節邑令沈嘉徵獎以額年六十七歲

夏如梅妻汪氏名順姬如梅梓舟都人汪年二十七夫亡遺腹生子夫節撫孤督學使旌之年六十有七

庠生全如岳妻陳氏如岳北隅人陳年三十守節力貧養姑嘗割股愈姑疾撫七月孤國柱成立克紹父業壽六十有七

吳明道妻汪氏名長妹明道杭溪都人汪年二十五而寡守志奉翁姑撫孤克樹立四十餘年不渝節督學使傅公王雲旌曰仇鄭流薇

鄧士球妻戴氏名長儀士球義合都人戴年十九夫亡守節

孝事姑孀如夫存日有遺腹孤元灝訓之成名知縣沈嘉徵嘗獎之孀居四十六年

程士哀妻何氏名玉蘭士哀新正都人何年二十而寡事姑撫子守志四十五年

詹光勇妻汪氏年十八守節植遺腹力貧奉舅姑更四十餘年里中高其持操

庠生潘永環妻黃氏名益貞永環長鄉都人黃年二十八而寡茹苦厲操翁姑倚其養莖撫二孤昏教有成六十一歲卒

程貴德妻朱氏名報珍性貞靜十八歸貴德越四年貴德習儒未遇竟夫死遺孤不育舅姑並垂暮因家貧勸其改醮

朱截髮天靡他力女紅以奉甘旨族人憐其苦守閭以穀  
食調之舅姑歿躬執舂鍤負土成墳行道皆感嘆辛勤以  
老四十載如一日幾於節孝兩全矣

計曰泰妻汪氏名焜弟曰泰西里都人死時汪年二十二截  
髮誓志服既闋父母憐其少而無子將奪之遂屏跡不至  
母家撫伯氏子為夫後已老未嘗與親鄰晤時年六十餘  
朱衍祖妻王氏名喜容衍祖儒林都人王年十九而寡家貧  
無子父母屢奪其志王毀形以死拒紡績自活苦節四十  
四年

庠生姚元瑛妻操氏名等弟元英西隅人操年二十八寡而  
無子絕食誓殉其母曰死節與全節孰難且汝家貧宗敝

死則繼嗣不立泉路有知何以相報乎操乃忍痛啜粥已  
即哀告其族擇姪為後女紅餬口苦節彌堅時年六十三  
章元儼妻張氏名昭弟元儼法京都人張幼適於章以孝稱  
年二十四夫故撫六歲孤矢志不渝時年六十餘

施夢忠妻王氏名長蘭夢忠西里都人王年二十三夫亡守  
節或曰如年少何王曰義不可二或曰如家貧何王曰命  
無所逃奉親育孤志行醇潔時年六十有二

庠生鄭瓊妻夏氏名瑞姬瓊騰鳳都人卒時夏年二十七守  
志不他適訓子成名知縣吳邦基獎之壽六十餘

朱大桐妻江氏大桐大惟都人江年二十一而寡守志養姑  
六十餘歲全節以終

馮光照妻鄭氏名洪姬光照西里都人鄭十七于歸甫八月光照病將死囑曰幸毋他適鄭曰敬聞命矣及卒撫姪為嗣誓死以守後或撼之鄭曰有約在縱死者萬難復生我獨不愧於心乎奪者愈數拒者彌峻年六十歲

金如暄妻汪氏年二十無子而寡守節力貧孝事姑孀四十載無間言時年六十歲

馮大梅妻劉氏大梅杭溪都人劉年十八夫故守貞父母哀其少諷之行謝曰亂命也不敢從擇嗣紹夫後植節者四十年

庠生吳廷佐城門都人妻程氏名粟秀克嫻婦職年二十有一廷佐卒氏矢志守節撫姪顯昌承嗣娶媳生二子顯昌

復故婚教二孫成立歷盡艱辛堅貞不渝八十二歲歿遺命以素所積金百六十兩重新祖祠孫亦克承其志

金文蒼妻鄭氏名毓蓮文蒼引京都人及卒鄭青年矢志事翁姑孝謹有加歷三十餘載年五十有八

鄭若參妻張氏名金玉若參騰鳳都人張年二十無子而寡夫不改適立嗣以延夫宗歷三十餘年

鄭溥四妻朱氏溥四新源人死時朱年十九無子夫節翁老而鰥竭力孝養親族勸翁續娶方氏生子人喜甫週歲而翁姑復相繼亡朱苦守孺堅撫人喜成立年七十有五而

終

潘思仁妻李氏名愛蓉思仁新安都人李年二十而寡一子

守節八十歲卒

庠生鄭一冠妻陳氏一冠長寧都人陳年二十四一冠故奉親撫子苦節不渝署縣劉公津獎之壽終六十有八

庠生詹榮妻方氏榮南隅人方年二十七榮故貧能自立教子培元書香不替七十二歲而卒

張世惠繼妻胡氏年三十而寡矢志守三歲孤艱苦備嘗六十有六卒

鄭永康妻朱氏名德慶永康騰鳳都人朱年未三十而寡義不再醮

鮑德鏡妻程氏名又弟德鏡浯溪都人程年二十六而寡壽屆七旬人稱亮節

朱永聲辛田都人妻程氏年念五夫亡一女守節邑令吳邦基額其廬曰志銘金石年六十有八

潘士傳辛安都人妻鮑氏名芙蓉始婚半載而亡時鮑年十八無子守志繼姪裕後時年六十餘

江琇生長寧都人妻鄭氏名荇弟年二十四夫故子文慶甫一歲甘貧守志訓子成名三十餘年不渝其操

方華西隅人妻葉氏春英年二十二華故一子兆喜甫六月茹荼矢志撫孤養姑以節孝著卒年五十有五

方震鳳西隅人妻丁氏生四子年念七夫故翁老子幼遺產不足自給氏躬親操作歷艱辛致饒裕子德萬鄉飲孫鴻

基貢生旦廩生宏道職吏年八十有八卒

吳元鐸杭溪都人妻計氏二十七而寡柏舟自誓冰雪貞操鄉里稱之

程建炳興福都人妻汪氏年念九夫故無子守節盡孝奈家無次丁勸翁再娶幸生二子氏共為撫養俾克成立年五十八卒

汪德仁梓舟都人妻方氏年十九夫故遺一子九歲復天繼姪煌為夫嗣又繼姪孫為子嗣氏服縗茹素勞苦成家教諭周鴻勳以芳徽永耀贈之

監生金廷瑞妻黃氏青年失偶子甚幼氏冰雪矢志事舅姑以孝稱歷四十餘年貞操愈勵儒學崔北麟贈以勁節慈節

朱永慶長安都人妻陳氏青年喪偶子幼家貧氏矢志撫孤為人舂杵浣洗以易食艱苦百端冰操倍烈子尚其秉有至性童年力勤樵採民困稍解及娶妻事母益篤氏年八十尚其備酒上壽氏以夫歿不忍御諭令廷昔局急之親鄰拜謝適酌一觴里黨交相稱頌翰林汪注聞而賢之贈以額越明年氏病尚其每日焚香告天衣不解帶者數月及卒哀毀骨立孺慕如嬰兒尚其日不知書而天性純厚苦節之報也

王成鳳興里都人妻方氏庠生方龍困女年及笄歸王有賢聲念九成鳳謝世痛欲自裁翁姑諭以親老子幼非以一死為難勉起治事孝慈備至二親歿喪葬如禮教子成立

署邑令袁修權旌以松柏貞操紀實德也卒年六十有二程佛姓彭村都古港人妻高氏年十九夫故誓以死殉翁姑因氏有遺腹勸止越四月生子浩親老家貧苦節四十餘載教子成立活補庠生

朱茂焱勸義都人妻潘氏生子八歲焱故氏青年矢志養親教子卒成完節儒學周鴻勳以松筠長茂旌之

王道行大惟都人妻朱氏年念二夫故子克家甫二歲氏勤紡績躬杵曰苦節二十餘年克家娶媳生二子尋殞氏與孀媳益礪堅真兩世撫孤四十餘年

黃世旺大惟都勒工人妻王氏年念五夫故遺腹生一子守貞礪節貧苦不移為子娶媳生三子俱幼子尋故仍撫三

孫憂鬱終日六十六歲卒

鮑孔詔福義都人妻朱氏貢生朱崑齡女曉書史大義適鮑有賢聲生子孟松七歲孔詔故氏年念六以柏舟自誓教誨孟松躬親訓課娶媳李氏生子宏猷孟松尋故李青年矢志謝鉛華甘淡泊與孀姑相依人稱一門雙節子宏猷邑庠生

魏文秀鎮市都人妻劉氏年念四文秀卒矢志柏舟茹荼食苦歷四十餘年有如一曰孫舒庠生曾孫緒祿緒稷監生徐世榮上長源都徐村人妻甯氏以賢淑稱榮刻苦讀書未過而歿氏年念四子繹僅九齡茹荼訓子有斷機風現年六十有二子繹庠生



李德言上義都田西灣人妻鄧氏念六夫歿矢志靡他雖時遭顛沛彌勵堅貞儒學李生萬額贈貞節流芳年九十卒黃啓文西隅人妻江氏年念六文故遺子七歲氏守節撫孤閨範嚴肅雖三尺童子罕見其面清操歷二十年有如一日子應華充鄉耆另有傳

曹維民勸義都人妻江氏二十二而寡矢志守節凜冰霜者四十七年

程士正里仁都人妻魏氏年二十士正卒誓不再醮子兆祥未離襁褓撫養婚教備極辛苦幸見成立

汪鎮仁城門都潭口人妻程氏孝謹勤儉內外稱之迨翁姑歿仁不事生業家資蕩盡仁尋卒氏年念九一子未晷夫

志撫孤艱苦簡至歷三十餘年終無怨悔

朱永授長安都人妻金氏年念七夫故無子氏矢志堅貞為

夫立繼孝養翁姑恩督嗣子及二親歿為置祀租又撥田

為後裔讀書應考之費舉人曹川文以贈之年七十卒子

高謹監生

汪邦傑梓舟都人妻王氏夫病臥床三載奉湯藥毫無懈怠

夫死氏年念五剪髮毀容矢志不二冰霜之操望之凜然

嗣子定揚監生

監生朱道顛勸義都人妻李氏青年夫偶秉志冰霜家道艱

難堅心教子年躋八十族黨敬之

汪紹宗梓舟都人妻計氏年念五夫亡無子立志守節繼姪

為嗣慈嚴並至現年六十

方文琮下長源都人妻李氏生一子七歲文琮歿氏誓志守節舅病瘋痺常在床蓆氏孝養不懈又勉力為子婚娶俾克成立年七十卒

汪樹基梓舟都人妻金氏年念九夫故堅志守節家貧磨腐紡織以自給子三歲瑒有二姪穉幼母死氏撫養之如已出為之婚娶現年六十有八鄉里賢之

金應鵬騰鳳都人妻吳氏貢生家適女以孝順聞無何夫病篤割股和藥及夫卒氏年廿一生子兩月謝鉛華勵冰雪茹素衣敝早夜操作養二親教孤子血淚未乾及病不肯服藥曰子且長應續書香我復何憾遂卒子校庠生

監生凌上超魚步都西冲人妻汪氏二十七夫偶誓以身殉因姑勸諭勉起勤儉持家布交蔬食撫子成立年七十儒學凌汝綿贈以松筠永翠子正圖正芬俱監生

汪潤黉梓舟都人妻金氏年二十九而寡夫心勵節艱苦備嘗痛夫讀書未達專心教子見子樹偉入泮年六十有八卒

李翊東隅人妻林氏子歸四年生一女翊故氏年二十二姑老僅一幼叔堅志守節冰蘖自持奉姑養叔十有餘年迨叔景蓮遊泮補廩生三子氏取其長子為嗣踰年始歿越數年景蓮歿繼嗣亦相繼謝世伶仃孤苦倍慘於昔氏復撫孤孫辛勤備至冰霜五十年延李氏緒者三世卒年七

十有二

甯起雁南村都人妻方氏年二十五夫死無子氏矢志冰操  
養姪大池為子躬親教誨卒以成立學憲金柱旌額曰節  
操松筠年七十二卒

汪育元梓舟桃墅人妻計氏年念九夫故誓心守節事祖姑  
及姑孝督子最嚴每曰使兒不肖無以見我夫於地下年  
五十六歲卒子涵邑庠生

庠生王依仁大惟都人妻朱氏生二子依仁故氏年念八夫  
志不二教二子慈嚴並著長子運補庠生次子曰亨舉鄉  
飲俱另有傳邑令沈嘉徵贈以懿行可風年終七十有一  
貢生汪圻梓舟都人妻方氏年二十九而寡貞潔自矢孝事

舅姑宗黨稱之教訓二子均克成立

監生侯世第北隅人妻閔氏年念二而寡子雯珪幼氏誓志  
撫子之死靡他雯珪克遵母教豪爽好義邑建紹文書院  
捐費五十兩戚族告之者無不立應珪歿孫幼氏同孀媳  
吳氏辛苦鞠育勞瘁備嘗現年六十有三於乾隆四十七  
年念子雯珪遺言又捐田三畝入紹文書院以佐膏火  
汪樹澄梓舟都人妻胡氏宜春生子世則幼樹澄逝氏年念  
五矢志撫孤為子娶媳計氏無何世則又亡計遺腹生一  
子一身兩世艱苦備至百折不磨

吳世濟里仁都人妻沈氏于歸五月濟亡遺腹生子復殤家  
貧有勸改醮者氏斷髮誓志食苦三十餘年五十四歲而

卒

李紹祺引京都人妻朱氏二十六歲夫死矢從一之義守節三十餘年人比之冰清玉潔

黃德仲里仁都人妻沈氏姚真年二十夫故撫子士修成立為娶媳沈氏初真生二子士修又故氏亦青年與孀姑共天冰操

汪鑑忠梓舟都人妻王氏生子一歲夫死氏年念二誓不二天家貧時告貸母家以膳姑養子母稍調之屹屹六十年靡有寧日今子成立氏猶拮据如故

章源年西里都人妻陸氏念二而寡家貧無子孝事二親擇繼立嗣年終六十有二

張士鍾長香都人妻吳氏生二子一女無何鍾病篤氏陰告神明割左股和藥鍾尋愈越四年鍾復病篤氏又將割右股鍾覺止之見左手疤痕始知前時之割股也鍾自知不赴念家貧鳩以再醮氏咬指自誓及鍾死氏年念四矢心守節搵井白動鍼紉嚴課二子數十年不渝進士周仁棟贈以堅白雙清現年屆七十

李維洋東隅人妻侯氏十九適李家極貧民紡績伴讀無怨色越二年生一女夫故毅然守志撫姪為子子尋卒窮苦愈甚而堅白之操老而不渝現年六十有八

庠生呂鵬程浚溪都人妻朱氏年三十夫卒無子家無次丁翁年七十而鵬氏勸翁繼娶生子鴻及鴻長生三子氏遂

撫其長子起善為嗣年六十府憲方旌以勳節流芳

庠生方人英西隅人妻王氏生一子英故氏年念七矢志靡他現年七十有四

凌正梁魚步都人妻汪氏年二十四生一子夫卒貞心守節事始教子歷三十餘年水清玉潔族黨尊為閨範

鮑士俊福義都人妻李氏念八後故氏茹荼守節孝事二親姑病篤氏割股和藥病旋愈氏之叔死家極貧孤孀無依氏撫養之孀得完節子得成立族黨稱賢子道光庠生

金復會北隅人妻江氏年二十會故一子朱週氏堅心守節食貧不怨子全仁稍長力田養母而氏之勤勞淡泊如故現年七十有二

金銘練騰鳳都人妻汪氏二十八夫故苦志守節形銷骨立歷三十餘年恒如一日署邑令劉國英旌曰名節全貞庠生李孚遠東隅人妻閔氏蘭玉年二十孚遠歿子幼氏夫志撫孤清操自勵茹荼苦者四十餘年

方元音西隅人妻戴氏夫病割股和藥夫尋卒氏年三十撫子克炳成立乙酉饑命子出粟半糶炳悉遵之無何炳復逝氏與孀媳撫養幼孫負搵搦著著邑令徐緯以節孝慈賢褒之

王可炯下連都盤溪人妻扶氏年念三炯病篤以父年老孀妻代養氏然之炯尋卒踰月遺腹生子備歷辛苦養親有子卒成夫志

監生錢文初歷降都人妻王氏年二十九文初生子甫三  
月家貧親老氏勞苦奉養守節不渝

程應材妻捺氏年十九夫故遺一子幼氏貞心守節白首完  
操年逾七十卒

監生王士登下連都盤溪人妻汪氏念九夫故矢志柏舟養  
親教子備極勞瘁現年八十子孫林立咸以為節孝之報  
監生黃上進西隅人妻朱氏年念八上進故子幼姑老氏堅  
志養姑撫子無何子塢為夫立嗣明年嗣子又故越八年  
禱祖顯族擇立繼孫簡歷辛苦現年六十有一儒學凌汝  
綿贈以節貞金石孫兆鳳從九品

舉人李園桃東隅人妻汪氏十七于歸挑燈佐讀桃登孝廉

生一女夫故氏年念四夫志銘心冰霜自勵家貧依塔終  
老歷三十年艱苦不渝聞者敬慕

呂廷桂活溪都人妻孫氏生一女三子而桂亡房伯利其貧  
勸改適弗從遂暗囑其鄰里勿借貸孫絕火三日仰天嘆  
曰我死何足惜可憐呂氏三孤耳幸女字於章婿家聞之  
負米往得復甦伯強領娶者上門孫持刀欲自刎娶者敬  
懼而退卒全其貞年八十有一今子孫繁衍人以為節烈  
之報云

方泰基西隅人妻鮑氏年十九夫亡生一子立志守節養親  
撫子以延方氏之祀家極貧躬親操作拮据終日從無怨

言

陳良賢引京都人妻呂氏年念二夫故子幼矢志靡他奉姑教子孝慈備至學憲林枝春旌以冰雪遺徽

邑庠劉正邦妻吳氏年念四而寡一子幼吳守節養姑以孝內外無間言子廷椿職員

朱仲綸儒林都人妻張氏青年夫故子甫六月刻志守節教子名列貢生年五十學憲張拜賡給額曰貞操共仰

鄭日電長寧都人妻陳氏年二十六夫亡無子舅姑年老多病氏奉養備至換姪景瀨為嗣六十時教諭崔兆麟贈以節孝可風

監生任廷顯桃墅人妻胡氏青年喪夫比斫身殉旋念翁老未全媳道剪髮矢志立繼續後無何繼子復頹愈慮欠丁

式微為弱叔孤侄各娶小星日事禱祀冀綿宗祧其節而兼賢內外稱無間言

朱鳴韶北隅人明都御史一桂曾孫也妻汪氏年十八夫故家貧無子堅以身殉絕食數日因孀姑哀勸爰捐膏沐茹素衣縞勤操針紉以供甘旨立姪承祀守貞四十餘年冰清玉潔邑令楊長桂贈額曰坤貞毓秀

邑庠吳峯新正都人妻范氏文學范景軾女十八于歸挑燈佐讀操持家政內外稱賢年念八峯卒子幼氏堅志守節謝鉛華甘淡素嘔笑不苟動依禮法教諭楊令琢有貞姿柏勁之贈八十有二終子祖健孫鎮宣俱監生曾孫鵬屏生

汪鴻謨北潯人妻李氏二十三歲夫故無子撫姪承祧苦節自勵潔清無瑕

吳篤楫辛正都人妻詹氏年念四夫故守節四十餘載堅貞不磨

吳廷讚里仁都人妻侯氏生子世榜出繼夫兄廷詔無何廷讚卒氏年廿四子僅三歲氏奉孀姑撫幼子孝慈備至歷今三十餘年人以冰雪欽之

李錦球下梅田都人妻胡氏珠死氏年二十有八苦志勵節事舅姑孝姑病篤割股愈疾訓子成立勁節貞操堪為巾幗令範

余茂齡騰鳳都人妻趙氏二十二歲而寡矢志守貞撫子成

立邑令沈嘉徵贈之額曰婉美共姜年四十九卒子鵬飛監生

李士鼎東隅孝義坊人妻汪氏桃墅增生麟紹之女年二十夫故無子翁姑年邁柏舟自誓立嗣承祧尋殞復擇繼立焉苦節六十餘載貞操勁節毫無間言邑令黃泌贈額節永蒼松內翰汪注有贊年終八十有一

李芝信辛田都人妻馮氏年念五芝信卒家貧無子姑年已老氏苦心守節奉姑克孝越二十餘年叔始生子立繼以為夫祀

盛士喜義合都人妻齊氏二十四而寡無子翁姑垂邁門無伯叔痛宗祀將斬堅請翁納妾生叔三齡翁姑繼逝氏撫



養成立盛祀得不替者齊之力也

監生李善繼東隅孝義坊人妻吳氏繼攻儒業早逝于幼家貧氏相舟自營事繼姑孝訓二子嚴嘗謂子曰家本儒業不替書香斯堪續父之志卒教子成名青年矢志皓首完操邑令黃繩先給以德婉歐母之額現年七十子道坦秀俱廉生

甯五壽妻洪氏年及笄歸甯家貧勤苦無怨色五壽病洪願天割股請以身代及疾不起氏年念一矢不他適備歷難苦堅貞不渝

李紹本東隅人妻方氏年十七于歸越歲本故無嗣氏冰蘗自誓擇繼承祀孝事姑孀勤操婦職歷六十年如一日學

憲張映辰旌以操潔松筠現年八十有五

汪之起義合都人妻鄭氏年二十一子甫數月之起卒氏堅

志守節禮義自閑雖至戚罕覩其面清潔人無間言

王應祿安田都人妻李氏念七喪偶守節四十八年儒學溫學斗以冰雪為心贈之

汪振洋義合都人妻臧氏念二夫殞生子二齡矢志冰霜日事鍼紉而課子尤嚴子國瑾監生

張維植法京都人妻李氏年二十六夫故茹荼守節擇繼立嗣教以義方又捐租輸贖葬夫曾祖墓側又以紡績贏餘修路施船調貧郵乏鄉里賢之邑令李仙洲旌以節茂青筠學憲金德瑛旌曰冰操盟心

汪國瓊義合都人妻吳氏年二十二瓊死因翁姑垂老代夫終養擇繼承祧食貧立節遠近敬之

魏文槐鎮市都人妻程氏年念八夫故家貧子幼矢志益堅教子及孫慈嚴並至壽八十一孫大名遊庠食餼尚及見之人咸以為節孝之報

方從明鎮市都人妻趙氏子天鳳二齡明早世家徒四壁氏紡績養姑育子延師擇配代終夫志鄉里敬之邑令沈贈曰貞操懿範府憲黃旌曰柏操松齡壽八十六卒子天鳳充鄉耆

黃其傑西隅人妻鄭氏十八于歸家極貧氏親操井臼或竟日不火得食必先奉傑餘自食傑憐之氏無怨言年念九

傑卒念有遺腹不克身殉數月子朝粥生茹苦食茶教養成立霜操五十四年八十有二終邑進士鄧夢琴有傳孫岍谷癸卯舉人

詹克泳新正都人妻劉氏二十八歲泳故氏矢志冰霜孝事翁姑嚴課孤子守節垂三十餘年

李日暉上義都人妻錢氏年念九夫故姑孀子幼誓不二天家貧茹苦勵節彌堅

朱孔安樵溪都人妻金氏念四而寡矢志冰操撫姪光玉為嗣愛如己出光玉暨年入泮氏教誨不懈

鄭鷓石之妻吳氏庠生吳雙女二十三歲夫偶誓不二天繼姪元鎬撫養婚教無何鎬又卒氏痛恨益深而清操凜然

舉人操瑞麟東隅人妻李氏念八喪偶矢志冰霜事翁姑如  
禮教二子加嚴子修暨孫廷猷皆庠生

查基柏妻黃氏于歸一年姑死柏亦繼逝氏決志守節奈家  
無次丁浼親族勸翁再娶吳氏越三年翁卒無子氏撫膺  
泣曰未亡人之不死者志有在也今若此何用生為以頭  
搶地幾絕合族憐之為立姪鍾相為嗣氏意稍轉撫相不  
啻親生娶媳王氏相復故合族復立姪鍾勝承祧旋為擇  
配生一女勝又卒氏連遭閔凶淚痕不乾迄今年逾七十  
勁節稱芳

鄭兆箕長寧都人妻朱氏箕早卒氏年念四子允陞幼氏立  
志撫孤苦節三十餘年人比之水清玉潔

監生潘大任之妻朱氏夫病到股和藥以進及卒誓不再適  
家貧紡績鬻米採藿和羹以養姑哺子備歷艱難堅貞不  
渝

金贈興妻陸氏父文先無子見興孤苦力勤招贅為婿越四  
年興卒父母勸之改適氏仰天自誓堅心苦守竭力養親  
親卒力為營葬夫族哀其志以姪志冬承祧儒學周鴻勳  
以松筠足式贈之

監生侯雯斌北隅人妻葉氏念九夫故撫尸泣血誓以身殉  
因二親年老繼嗣未定勉從勸諭茹素衣縵足不踰閭者  
三十餘載性慈祥樂善好施乾隆四十七年遵夫遺囑捐  
程家源等處田二十畝入紹文書院以佐膏火呈縣旌之

詳見侯雯斌傳

庠生江仁元長寧都人妻鄭氏元早歿鄭年念五遺腹生子允登氏矢志冰霜養姑育子為子娶媳朱氏無可允登卒朱更青年遺腹生子兆斌感姑節不忍再醮共處一室朝夕相依人罕見其面

貢生鄭逢時里仁都人妻汪氏生一子一女逢時卒氏年二十五欲以身殉因子女俱幼強起經紀家事閨門嚴肅勤循禮法子克成立女適歸州知州侯世爵年五十藩憲王承烈贈節壽松筠匾額八十有四卒

汪士勳輝舟都人妻章氏二十一歲而寡苦節自矢甘貧不渝邑令黃必旌以盧董懿模

侯如昇北隅人妻李氏幼為侯氏姑鍾愛擇配子如昇十九子歸勤謹孝順家人稱之年念二如昇歿氏誓以身殉類死者再翁姑諭以養老立嗣大義強起治喪毀容封髮足不踰閭立姪雯璣為嗣時有孀死遺幼孤氏撫養之如己出一女適李歿遺甥一卒鞠養教誨現補廩生子雯璣布政司經歷

鮑如愈福義都人妻李氏十八子歸有賢聲愈以廩貢官告水縣訓導歿于官氏青年守志閨範肅如年終七十有三子超監生

吳登銘益元都人妻王氏十八歲銘卒堅心守節百折不回孝事翁姑族黨無間言年逾四十齋志以歿聞者哀之

方鵬義合都人妻余氏年二十五夫故遺腹生子克樹守節  
撫孤娶媳生孫克樹又卒氏與孀媳杜門紡衽勤勞作苦  
現年七十有八而長孫亦經授室

陸陵興勸義都人妻嚴氏年念五興卒姑老子幼氏矢志靡  
他所親欲奪其志氏剪髮自誓乃止子尋故擇繼承祧卒  
至成立

胡萬傳錦義都胡村人妻朱氏二十四歲而寡遺孤二齡如  
荼食麥守節六十餘年邑令黃必旌曰青年守節志凜冰  
霜洵屬閨閫令範中國完人區頽松操鶴齡年終八十七  
歲孫玉琨監生

汪繩御城門都夏田人妻程氏于歸踰月姑患時疫夫亦繼

病家貧醫藥難覓氏虔禱神明願以身代割股和丸以進  
姑與夫病均獲瘳年念六生一子夫尋卒氏茹苦不怨勤  
節水操老而愈厲年終九十有二

程時鉞新興畝人妻張氏二十八夫故家貧脫簪珥衣衫殮  
葬日事紡績撫育四子俱克成立舉人吳都賦贈以壺範  
堪型

朱良鵬勸義都人妻李氏生二子鵬卒氏年念九茹荼食麥  
以養姑課子歷五十餘載水捧凜冽縣令黃贈額曰松操  
鶴齡年八十三歲卒

庠生葉文北隅人妻汪氏年念九子幼夫卒誓以從死姑責  
以養老立孤大義哭泣強起安貧茹素苦節三十餘年至

六十一歲卒子廷謀孫大中庠生

監生余北麟南村都人妻劉氏年念九夫故子國瑞二歲氏  
堅心苦節孝慈備至現年六十一門四代肅敬雍和鄉里  
感奉為則

張應高新興圖人貧而誓娶妻詹氏保儀有賢聲生二子年  
念七夫故堅志守節杵臼紡績躬親操作卒以勤儉成家  
邑令沈贈額節比松筠懷珍監生

汪廷巍梓舟都人妻王氏年二十巍卒無子氏勵冰操勤紡  
績以佐翁姑甘旨尋夫兄弟婦皆頹遺兩姪氏撫養之不  
啻所生以一姪為夫承嗣姪亦成立

庠生黃上選西隅人妻李氏孝順慈祥內外稱之年念八選

卒無子氏養二親立嗣承祀冰霜勵操垂三十餘年

汪燧元梓舟都人妻鄭氏年念二夫故子方二歲家貧姑老  
苦節二十餘載憂勞以致

貢生林士騫湖田都人妻程氏生子甫週士騫卒氏青年天  
志節凜冰霜事繼姑以孝稱教孤子慈嚴並著潔居六十  
年人罕窺其面壽八十值姑服小祥親隣稱觴程曰身衰  
經而受慶祝不孝孰甚堅不受邑令李仙洲贈曰松筠晚  
翠年八十有四無疾坐逝子大森貢生孫三起鶴庠生

陳邦儀興福都人妻汪氏雙璧生子殿琬幼邦儀頹氏年念  
八誓心守節茹藥飲水撫孤成立生孫煥煜督以讀書眼  
見八泮年終九十有三

李又忠東隅孝義坊人妻甯氏事翁姑以孝稱無何夫病侍湯藥廢食寢籲天願以身代及夫歿子甫五歲矢志撫孤冰霜自凜子夢蘭國學生

李士進東隅人妻朱氏生二子士進死氏年二十八家貧子幼矢志靡他子亦克遵母訓力敦勤儉署令謝宸拱贈以松筠鶴齡匾額

庠生鮑齊福義都人妻李氏年二十六而寡柏舟自矢除膳翁姑及夫生忌辰外足跡不履中庭年逾六十宗族子姪輩罕覩其面

監生章廷彩樵溪都人妻金氏生二子年念四夫故撫孤守志孝慈備至現年六十有三當夫歿時叔廷彬相繼歿氏

與孀貞婦戴氏同夫冰操人稱一門雙節

王世薰梓舟西灣人妻汪氏年廿四夫故矢志守節姑病瘋常在床榻起居飲食氏親扶持歷十餘載無間子克成立汪紹序梓舟都人妻王氏十九歸汪次年夫病閱二載奉養不懈及夫歿柏舟自矢嗣姪士哲承桃儒學毛應求以松筠耐歲旌之

吳之畧杭溪都人妻鄭氏生一子尋卒氏年念五誓心不二守節撫孤無何子復夫繼姪孫元忠以承宗桃以養以教慈嚴備至性樂善好施於樟木嶺修路二里歲饑賑粥三次鄉里賢之乾隆十一年學憲金德瑛旌以節孝幽芳年逾八十卒孫元忠監生

監生汪曰庠梓舟都府前人妻鄭氏念四而寡貞心守節一切嫁娶宴會從不一與今年逾六十雖期親子姪罕見其面子二天暉源清俱監生

汪文廣梓舟都人妻方氏年念一廣卒誓不二天節操清潔道憲蔣賜榮旌以勁節凌霜現年八十有一

監生章元愷法京都人妻鄭氏晚內則列女傳適愷時翁年老氏奉養無缺年二十四夫卒無子叔士英九歲氏同姑鞠養延師訓課英生子煜氏養為嗣貞心亮節歷四十餘年邑令黃繩光旌以苦柏棠槐現年七十

張大崧長香都人妻方氏二十九歲夫歿撫育三子以勤儉佐子成家冰清玉潔歷五十六年

庠生汪紹芳城門都夏田人妻李氏年廿二夫死遺孤四月

苦心守節歷三十餘年人欽冰清玉潔子庭馨監生

王鴻任梓舟都人妻汪氏二十七歲任卒氏堅持苦節勤事女紅以養姑教子貞操四十餘年冰霜凜冽

汪錫祥之妻董氏生子汝翼三歲夫故氏年念四守節堅貞汝翼尋卒遺二孫與孀媳力為撫養年六十邑令黨兆熊旌堂甲以堂甲清標

監生王世青梓舟都西灣人妻汪氏念一夫亡截髮矢志撫孤成人婚娶生育不幸子與孫俱殞且事姑至孝姑病十載飲食起居悉賴扶持日夕毫無少懈尤有賢聲族隣貧乏皆蒙其惠今年逾六十內外咸為稱頌焉



程周賢城門都人妻鄭氏年二十五夫故依伯母三德之妻汪氏育遺孤撫養婚教俾克成立學憲金姓有冰心靡他之額年終六十有三

李又志東隅人妻余氏年十九志故一子復錫氏矢志靡他苦節堅心歷三十餘載

汪對興潭口人妻朱氏舉人日堂之女王年念六夫故子迎丁五歲家貧如洗盡鬻釵環衣服以果喪事身則代人浣洗舂杵以覓食哺子有憐其苦諷以改適者氏正色拒之子稍長苦無居室轉徙村庄三十餘年後母子据持造板屋一間屋未成而氏卒時年六十有八子痛無以報母售屋以塋終身食素

童北洄里仁都人妻魏氏年二十北洄死家貧無子童族無可繼之人魏氏無可倚之親氏冰霜自矢日夕飲泣以針線微資度活苦守四十八年至六十八歲卒聞者哀之

李添柏東隅孝義坊人妻詹氏年二十一相故遺子兆燈幼氏矢志靡他撫子成立娶媳詹氏生子報元甫七日燈又故詹更青年依孀姑養子人稱兩世清節

庠生吳光鈺辛正都人妻張氏二十三鈺故無子張痛姑老事奉無人矢志守節養姑盡孝撫姪以續夫嗣學憲張拜賡給以貞操共仰匾額年逾八十卒

吳大垵翰林神季子妻姚氏有賢聲年念四垵故生子甫週家極貧姑年老氏以針黹紡績為養子已娶媳生孫無何

子又故氏同孀媳撫育孤孫歷盡艱辛始終不渝

張文祥辛正都人妻項氏年二十二祥卒遺子月餘家貧翁

老氏矢志撫孤養翁無何翁疾危篤氏封股和藥救之得

甦教子成立眼見孫曾縣令陳旌以節孝兩徽壽終八十

有二

鄭昌福錦義都人妻宋氏生子槐興夫歿氏年二十七守節

撫孤食苦五十餘年子亦克家槐興妻何氏生子天瑞槐

興卒乾隆己亥米價昂貴何氏命子天瑞變產平糶里人

德之署令謝宸拱旌以節孝慈祥

閔建遐北隅人妻操氏二十四夫故家貧甚氏誓不二天針

社紡績以養姑育女親隣喜慶一切不與卒年六十有四

李士乾東隅孝義坊人妻鮑氏二十一歲夫歿遺二子幼誓

不二天孝事翁姑嚴教二子卒年六十有八長子煌監生

庠生吳國愷辛正都人妻張氏年二十八愷卒之死靡他為

夫立繼教子養姑慈嚴備至

朱啓柏儒林都人妻金氏二十四歲夫卒誓不二天擇姪宗

祝宗襪二人為嗣延師課讀卒以成立學憲金德瑛以水

操匪懈旌之

王學演梓舟都人妻計氏年二十一而寡貞心守節白首不

渝

州同吳季庾之妻汪氏樂安教諭文煥之女賢淑而慧年念

九季庾卒遺二子氏撫養教誨不少姑息次子慧中英年

入泮娶山東博興縣令李宏長女備極孝順年念九慧中  
卒氏倚孀姑守節繼姪欽綸承祧汪氏蒙學憲林枝春旌  
以節凜冰雪子篤生監生李氏蒙縣令黃必頌以淑德貞  
操現年六十有二

馮乾湘湖人妻程氏年念二夫死子幼饑寒交迫操履愈堅  
為子娶媳生孫無何子媳雙亡氏撫幼孫艱辛備歷現年  
七十有四節之苦無踰氏者

庠生劉方繼妻操氏生子甫週夫歿氏年二十六茹荼食苦  
守節三十七年內外賢之

庠生李國佐東隅孝義坊人妻方氏國佐早逝子幼氏青年  
守節教子成名邑令沈嘉徵旌曰壺範可風

庠生黃曰夏里仁都人妻葉氏二十八守節媳沈氏亦青年  
失偶姑媳同夫貞節族黨賢之

黃士富里仁都人妻陶氏細貞家貧守節清白無疵黃士蔭  
妻劉氏二十孀居苦心撫子終始完操

方日暉長安都人妻張氏艱于子勸夫約妾生子夫尋故氏  
青年守志撫子成立年七十邑令沈嘉徵贈額淑德堪型  
朱宏禮西隅人妻張氏年十九生子三月宏禮卒勁節冰心  
歷三十餘年不渝子天貴妻寧氏亦年十九歲貴故矢志  
不二與孀姑同孀貞操人稱一門雙節

方日盼長安都人妻鄭氏生二子幼盼病篤氏刲股和藥不  
愈尋卒氏青年砥節皓首完貞年七十歲邑令陳贈以節

壽叟稀區類

吳廷伍歷降都人妻錢氏十九孀居翁憐其年少無子聽他  
遺氏不從抱養一子以續夫嗣翁給田十畝氏甘貧守節  
奉養二人與諸叔無異宗族欽其志操年六十請於縣令  
楊文灝旌以勳節清風

閔士晉西隅人妻黃氏年念五生子循久士晉卒氏守節堅  
貞訓子成立

庠生李敷妻汪氏年念七夫故子幼翁姑垂邁氏矢志苦節  
歷六十餘年現年八十有五子孫克肖

汪廷成城門都人妻程氏年二十五夫故子甫二歲氏矢志  
守節養親教子竭誠盡力乾隆十五年儒學申請學憲林

枝春蒙旌節苦名芳匾額年終七十有六

鄧元植義合都人妻李氏青年夫故子甫二歲尋夫兄又逝  
李以兩世一綫勸翁續妾生子氏撫愛如子教育成立氏  
連得三孫人咸謂苦節之報云

李際唐東隅人妻汪氏年二十夫故生一女家徒壁立誓死  
靡他艱辛萬狀歷四十餘年不渝初志

朱宗才儒林都人妻張氏于歸二載宗才卒生子未滿百日  
家貧姑老氏堅志守節不避艱辛不計成敗四十餘年有  
如一日壽終七十有二子孫克世其家

黃又綸里仁都人妻王氏年念六綸故無子依姪羽吉吉妻  
程氏月貞孝事伯姑年二十四慮無子盡出救奩為夫納

妾無何吉為債償賣妾他去程恐吉自盡即以未亡人自待家貧無資以針紉供養伯姑數年無異及聞吉實死遂嘔血而亡王氏亦相繼卒一門雙節清苦堪憐

鄭兆斌長安都人妻章氏年念四夫故子景璋幼氏矢志水霜邑令黃泌嘉其志旌曰勁節流芳今年逾六十閨範嚴肅

項景隆里仁都人妻吳氏年二十夫故無子矢志柏舟立姪嘉楫為嗣尋卒又立姪孫亦卒後繼曾孫緒承祧艱苦備歷百折不回

汪懿德潭口人妻吳氏年念二夫故子甫週誓以撫孤乃剪髮納棺中以示相從旦夕處閨中以女紅佐甘旨其後姑

歿葬祭及娶媳之費皆其霜燈夜杵所積

趙應杭梓舟都高陂人妻汪氏青年喪夫柏舟自矢孝事翁姑惠調族戚生二子教誨成人長嘉俊國學生邑令方宏智學阮曹文植俱匾旌貞節年八十卒次子嘉僕早逝妻王氏年念一孝遵姑志操凜冰霜立嗣承祧鄉里敬之現年六十

朱保遜儒林都人妻汪氏年十八歸遜旬日夫病故乘間目繼經姆氏救甦呼天大哭剪髮納棺中誓不再適撫姆氏子為嗣如同己出與一婢同寢食理女紅苦節二十八年賣志以歿

吳明辨杭溪都人妻計氏年念四夫故矢志守節孝事二親

舅病沉疴夜禱於神剖股肉和食以進病遂愈後姑病瘋痺十八年一切櫛梳盥漱不諉婦似族里稱孝終身茹素衣編家法甚嚴至老不與子姪輩同堂坐語年七十邑翰林汪注贈以節凜冰霜匾額并節孝傳

烈婦

唐

程本妻盧氏名蕙本卒號泣七日夜寤安既果遂自盡元豐間縣令張景修上其事詔旌曰完節景修有詩云決志同歸事竟成天章特下表佳名他年千疊藤蘿護山與齊高水與清

元

洪廷芳妻蔣氏歸洪未久元末避亂於城村湖賊至掠財物蔣目廷芳使遁執蔣欲汙之給曰我有金帛藏湖邊賊信之縱使取一躍而下死焉

明

洪振德廷芳子也妻陳氏年二十餘而寡姑強其再嫁避於景德鎮母家母亦強之時水漲自溺於河若有物負之流至鮎魚山遇救得活遂成喘疾守節終身宣德間受旌戴呼有世節傳

金玉琪

通志講作琪

妻張氏名翠玉年二十四玉琪卒誓不他適

所親故奪其志度不能自全縊死母家有侍婢相隨亦縊其傍手抱張足至死不脫見者傷泣時玉琪櫬在堂家人夜聞櫬中若張言不肯者三詰且而訃至君子曰張之誠能動其婢而不見諒於所親事固有不可解者雖其婢亦烈女子哉樂平程編修婚有傳

曹國仕妻朱氏名味蘭寡而無子國仕習堪輿之學臨疾以

一羅經盤授朱謂我貧僅此物相遺耳及卒朱殮夫畢斷食七日沐浴縫衣藏羅經於中痛哭自縊死

余滋妻張氏名芝蓉年二十夫患癰親吮夫卒剪髮納棺中截耳自矢步不渝闕夫墓成三載服闋沐浴焚禱自縊而死

曹天常妻汪氏名鼎弟

通志講作汪鼎

幼考謹長歸曹善事姑亡何

染痘未痊而天常自避所亦痘汪負病強起奔視醫藥天常竟死哀慟幾絕念有遺孕忍痛強食逾月墮語姑曰所不死者冀延一綫耳今何以生為登樓沐浴密縫所服衣帶撫靈大哭自縊死

庠生黃家棟西隅人妻金氏名蘭玉金為亂兵所掠強載舟

中戚以死生金亦飾詞給之以弛其防須臾舟至水深處  
忽躍以沒時秋漲初消淺灘屍積如坻越三月黃僕徧視  
不可得欲涉水而返灘口急流中一屍浮動人皆異之僕  
視而收瘞焉

曹有勣妻吳氏夫亡殯畢入室仆地兼旬不飲食晨呼姑曰  
為予梳櫛更衣死後不欲他人見吾體也語畢而逝邑令  
表其殉夫奇節

國朝

鄭日燦妻陳氏名育弟日燦騰鳳都人順治初兵亂陳常懷  
長帶隨身語其姑悌曰我等設遇事急即以死自全勿為  
所污後聞警近米解帶縊死

程登先妻康氏名瑞英登先興福都人順治初康從夫避亂  
山巔遙望兵如風雨驟至知不免與夫訣曰舅姑惟君一  
人勿以妾為念急去自縊於松下兵至愕然得全者衆  
陳尚萃妻汪氏尚萃引京都人汪年十六來歸二載而尚萃  
死家貧無子苦守以養公姑順治六年兵亂被虜義不受  
辱擊之折臂十指皆斷終不從遂遇害

葉乞妻金氏乞葉村人而金庫源福之女也有殊色順治六  
年元日亂兵至村被獲欲污之以死拒驅而之營紐其衣  
使不得脫至村口橋上金密解衣帶卸衣躍下死時年二  
十有二

汪應繡妻計氏其從姪穉妻徐氏桃墅二烈婦也應繡固諸



生與計皆知大節順治六年七月十五日賊猝至計與夫俱被執徐語夫曰千古節義在此一息君當自勉妾必不貪生以身受辱為君羞也乃罵賊曰我何等入敢相逼乎賊兵之引頸就刀罵不絕口而死應繡亦不屈死之賊皆咋舌驚異旋羅拜而去同日又有徐氏事徐建德富家女少知書愛讀烈女傳每至奇節處輒掩卷太息長適穆穆亦諸生家計哀落徐安若素比賊急趨穆曰速適善自保勉延一綫妾自知不免少緩求死不得矣遂登樓自縊死後賊過其地投戈拜曰我輩成汝名矣嗟嘆久之汪應兆有雙烈傳

張氏邱氏俱適長節都劉成邱舉一子甫三歲成卒二氏同

心守節撫孤成立娶媳詹氏亦極孝養已抱孫矣值康熙甲寅兵變張謂邱曰勢難兩全且我有足疾義不為賊污自投崖下而死詹脫簪珥殮之奉邱夜逃避寇新正都會土弁欲奪其志邱亦自縊

鄭有位妻張氏名仙春避亂山中為賊所掠迫辱之奮罵不從賊持刀威嚇張即奪刀自刎死鄉人哀而頌焉

監生汪作霖北隅人妻戴氏十八歸霖克盡婦道越歲霖忽中風疾醫藥不效氏籲天默禱願以身代及卒哀痛瀕死者數次妯娌戚屬交相勸諭氏泣告曰未亡人當即相從地下但夫嗣未立因稍緩須臾於是籲翁立繼以姪鴻湖承祧越數月出殯氏往送河干一哭昏絕救甦抬歸手

牽嗣子囑曰汝善事老翁我即從汝父於九原矣言訖嘔血而歿嗣子鴻湖候選布政司經歷

貞女

按女未成婦者也查傳內有奔喪終制立嗣養親等事女也而婦矣惟是始終完璞仍從其初志概以貞女統之

唐

薛辰女名玉枝辰官太和間家被收官校猝至玉枝年十五謂乳媪曰我閨中女豈可求生取辱乎死我分也遂自沉於家園之蓮池一時嘆異瘞之池側名曰沉玉塘以著其烈

元

曹貴四女牛軛嶺人幼穎異其父為都長都人將從盜為亂謀於其家女密止父見袖將作潛登樓題詩於壁曰深夜

登樓望大荒有心訴與老蟾光怪雲蔽盡愁如海幾個男  
兒勝女郎夜分都人劫其家殺其父女聞墜樓而死衆驚  
嘆為塋於寢地

明

詹允泰女名娟真字程珉瀨嫁珉死其兄將受他盟女執不  
可曰此身可兩許耶求者急遂自縊死後嘉靖初兵備道  
范輅視郡祀其墓

張烈女名桂秀村民啟明女生有殊色字長寧都胡氏子胡  
日貧落父母欲解盟會祁門少年鄭天佑以星術止其家  
未有室私許以女贅之懼女素剛不可動乃俱佯出而陰  
聽天佑之所為女覺給曰俟沐浴而從旋執父所業打梯

槌奮擊天佑中其額流血而走未幾母歿天佑賂其主奪  
以勢女聞而懼夜自縊死既塋其墓不生草棘嘉靖六年  
知縣孔僊為文以祭邑士大夫合女與張氏翠玉詹氏娟  
真事作三烈士梓以勵俗焉

李氏珪琦女既納里人詹晉聘未婚晉卒父允將為改適自  
縊而死

貞姑者不知誰氏之女也舊祥異志曰萬歷四十一年春三  
月方戴二姓各乘舟墓祭暴風舟並覆溺有姑與嫂同為  
漁舟所救嫂登舟姑見漁者裸已登復躍水死嗚呼烈矣  
予嘗觀孔子之作春秋於婦人女子之有高節賢行者未  
嘗不大書特書且屢書以表之矣成公八年書宋公使華

元來聘左氏傳曰聘其姬也夏宋公使公孫壽來納幣公羊傳曰納幣不書此何以書錄伯姬也明年書二月伯姬歸於宋夏季孫行父如宋致女公羊傳曰未有言致女者此其言致女何錄伯姬也穀梁傳曰逆者微故致女詳其事賢伯姬也前書衛人來媵今書晉人來媵明年又書齊人來媵公羊傳皆曰媵不書此何以書錄伯姬也伊川程子傳曰書以見其賢女子之賢尚聞於諸侯况君子乎哉至襄公三十年書五月甲午宋災宋伯姬卒秋七月叔弓如宋墜宋共姬當其時伯姬之舍失火左右曰夫人少避火伯姬曰婦人之義保傅不俱反不下堂待保傅來也保母至矣傅母未至也伯姬曰越義而生不如守義而死遂

逮於火而死穀梁傳曰婦人以貞為行者也伯姬之婦道盡矣詳其事賢伯姬也又書會於澶淵宋災故公羊傳曰會未有言其所為者此言所為何錄伯姬也蓋聖人之善善詳且至也如此以予聞貞姑之死與伯姬事適相類舊志不為立傳一何畧也迄今文獻無徵莫能定其為方戴惜哉惜哉然猶幸存其梗概尚得表而出之以與伯姬爭光千古舊志不為無功焉伯姬之事獨左傳以女待人婦義事謂其女而不婦劉原父權衡非之曰在易恆其德貞婦人吉其恆恆之矣所謂婦也若貞姑固女子也即律以左氏學庸有異議乎劉氏意林又謂其姬不以可生而違常義比安乎性命者乃能之故審乎死生之度辨乎榮

辱之境知禮之重重於生辱之甚甚於死伯夷叔齊傲於  
首陽之下求仁得仁何以過此夫貞姑以一委巷女子寧  
必讀書知學問乃能守義如是其烈豈非安於性命者耶  
得不謂之女中夷齊耶廬陵歐陽氏作五代史取王凝妻  
李氏事以媿長樂老之忍恥偷生若貞姑之捐軀烈於李  
氏之斷臂馮道輩不足道也世之號為讀書知學問者聞  
貞姑風更當何如耶

包氏後漢都人塾之女也年十七隨祖母避亂山中為亂兵  
所獲委加鞭箠不從勒祖母曲勸之終不可奪自以手掠  
腦後髮延頸就刃遂遇害時甚暑屍數日如生

國朝

詹多繡女名富玉字朱應熊第三子兩家皆邑望也未婚而  
朱子故女矢志居貞力請往吊遂廬墓側十有五年順治  
間知縣婁維嵩旌其閭曰苦節可貞

方士超女名淑英西隅人嘗到賊療父疾字金氏子陽未嫁  
陽歿告於祖祠遂奔喪稱未亡人邑令旌曰節孝奇娃苦  
守三十五年而終

張長孫女名冬弟字潭口汪福祥年十八嫁有日矣福祥死  
張泣別父母歸於汪執喪立嗣水霜自凜事舅姑不以貧  
故少懈宗族莫不感嘆汪肇基等歲餽之粟且助昏其嗣  
子康熙間郡守沈李楷旌曰烈節冰清四十歲卒

王氏祁門高塘人諸生廷輔女字邑之桃墅汪家瑞家瑞死

康熙間王矢志靡他亟欲奔喪而家瑞宴人無親兄弟死則家為墟矣王不得已依父家以守茹苦數十年執女紅以書課女徒餽其口晚歲祁令額其室曰貞志處女卒年六十餘汪壙有傳

王永潔女名茂菊祁門查源人字邑之嚴嵐江起城將昏起城故王請奔喪父不可剪髮誓死遂行撫棺慟幾絕念姑老家貧無依辛勤紡績膳姑朝夕而自食草具因以餘蓄次第為江營塋五世柩姑亡築墓畢親遺真每食必祀必泣久之日盡青年近六十猶歲截短髮士大夫多為詩紀其事

鄭氏節貴中州邑庠鄭國棟之女許配潭口汪之浩為妻將

笄浩故女聞訃吞聲泣血解珮投環父母懼以死殉也防護甚周嗣是素服針紉奧室足不踰戶闔父母信其之死靡他乃約翁延歸登堂拜謁潸然垂淚不聞號泣閱一週姑命以仲之子德一承其嗣訓子娶媳外戚里婚姻喜慶終身未嘗與乾隆四年邑令沈有始終處子之旌屆六十壽道憲奏有守貞完璞之獎現年六十有五

勸義都馮志光妻李氏初秀季發育長女與馮志光定婚有日矣馮年十八忽以疾亡氏聞之遽欲覓死母勸諭之不解必欲登墳展祭乃已母從之至則謝母曰兒不歸矣于是登堂拜見翁姑衰麻為夫守制奉二親甘旨必虔潔以進尋常足不及中堂乾隆三十七年氏年四十邑令黃泌

巡憲秦承恩俱贈匾額復給米絹以旌其清操今年登五  
十水霜凜然採訪確真俟循例請旌

大惟都王元宸之妻朱氏全姬年十二過王門撫養未合  
宸早天氏吞聲隱泣作未亡人朝夕倚姑左右足跡不越  
閨闈族中一切喜筵戲場絕不一往既而繼姪為夫承桃  
恩愛篤摯適母病歸寧割股救母以荅所生年逾五十形  
容枯槁及寢疾謝絕醫藥惟痛念夫君未奉盟匹老姑未  
獲終養囑死後以尸披麻練素以誌終天之恨乾隆丁卯  
四月十六鄉保族戚呈白邑令李仙洲批云王朱氏未婚  
守志節孝純全臨歿時猶囑以尸披麻此心此事誠可感  
天地而泣鬼神亟宜表揚以闡幽光以孝貞遺蹟扁額旌

之而致祭焉

章廷彬妻戴氏十四歲歸養于章未婚逾二年彬病卒氏誓  
不二天水霜厲節立伯廷彤次子名以承宗祧年五十有  
五卒子名庠生

賢媛

國朝

庠生李思昌妻張氏名春弟張幼孤育於祖母湯氏湯早寡守節張以女代子備極孝敬適李後迎湯於家生養死葬皆從其厚至奉姑事夫訓子撫下無不中禮法得祖母遺教實多焉湯已有傳

舉人姚國楨妻計氏名淑弟計既于歸孝養舅姑終身匪懈勤儉自持婦道母儀著於族黨蓋相夫名成訓子入泮諸孫凜其義方不減中呂遺徽焉

汪大雅妻朱氏助夫刻苦訓子以義方年大歎給米賑饑姑疾割股願天立愈享年九十有五



章錫西里都查村人妻王氏名安貞本大惟都士族女姆訓  
早嫻及歸錫婉嫻有禮尤以孝聞侍姑疾廢履者數月嘗  
晝驗差劇病轉危籲天代死已而果瘳久之姑卒哀毀幾  
絕康熙間教諭鄧煥旌曰閨孝懿美

北隅葉玉相之妻李氏秉性柔嘉宅心慈孝二十歲于歸執  
婦道勤撻作勲理家政井井有條相積學不售氏無愠色  
曰君負苦心不于其身必于其子孫何憾焉相痛先人未  
葬攻青烏術氏曰此仁孝事力贊之及葬一切經費酒食  
氏部署周詳相為所得為者氏佐理居多生二子廷師教  
課執禮盡誠長子廷裕初入泮氏喜曰吾姑及見之次子  
宏成進士則戚然痛姑不及見也宏官農部乞假歸省居

未幾促之行謂以身許國不得復顧私情乾隆庚午廷裕  
勉於鄉促赴公車亦如促宏之赴官也生平見大義勉二  
子忠孝餘不瑣也相篤友于念弟基無子以宏繼之而飲  
食教誨實氏尸之性不務華二子雖貴顯氏布衣蔬食不  
易其常至人有急而相告者委曲濟之族黨咸欽其德子  
廷裕官乳源知縣例贈孀人先是宏官戶部

貽贈安人

廣東歸善縣知縣錢逢泰之妻李氏于歸時泰為諸生氏勸  
之遊學秦肄業豫章書院數年乾隆丙辰

恩科中式會試後考補

內廷教習期滿以知縣分發廣東自為諸生以來十餘年離多

聚少而一切家事皆氏部著積勞成病時愈時發氏亦不  
以為意秦官陽春知縣氏抵署見秦勤勞公事省釋矜疑  
欣然色喜飭諸子識之衣不紈繡食不重味曰留汝輩福  
也及寢疾秦因公在邸氏囑子文超文煥曰上語汝父為  
清白吏使餘慶長流我歿有榮施矣卒贈孺人

監生朱文亨勸義都人妻戴氏賦性柔順秉質幽貞十七于  
歸主中饋親操作事親克孝待人以恩生二子督課維嚴  
文亨兄弟分居田宅勸夫取瘠讓肥故雍睦無間延師款  
友敬禮備至遠近稱之隣里貧乏者不時賙給年七十鄰  
陽進士程矩頤曰徽美顯章子仁建魁俱厚生

貢生吳郊迎之妻查氏幼慧且賢于歸後執婦道善事翁姑

乾隆丁巳春姑病篤醫藥罔効氏割股和藥以進病旋愈  
操持家政秩然有條相夫伴讀以勤相勗生三子延師訓  
課敬禮有加迎好施予氏襄贊之不少吝夫婦俱年逾八  
十白頭諧老邦人榮之子三鎮賓鎮寬太學生勳布政使  
經歷候選在籍

郡庠生汪作霖之妻方氏蘭瑛十八于歸孝翁姑教婦道內  
外稱賢時夫弟作霖早世無子烈婦戴急欲為夫立後氏  
曰此大義也贊夫速如其請以四子鴻湖入繼卒成烈婦  
之志乾隆八年歲歉霖減價平糶氏傾囊以濟凡霖兩行  
懿德氏襄贊之無倦色霖年四十歿四子俱幼氏曰此絕  
續關頭未亡人責任愈重呼天長號聞者流涕汪世居城

北忽連荷池蛟起埃阮直斷形家謂有傷地脉不利居民  
咸屬督勸移居氏謝曰天道無親惟德是輔予不敢以浮  
言輕棄祖宗舊業丙子歲饑氏謂長子鴻源績父志減價  
平糶乙酉復饑時諸子分析家無餘粟氏率家人減膳節  
用脫簪珥佐之平糶如前合邑建紹文書院鴻源捐膏火  
田十畝計租一百科遵母志也年終七十有一子鴻源刑  
部司獄鴻烈吏目鴻沛監生鴻湖布經孫潮郡庠炳從九  
州同李應愈田西灣人妻洪氏躬主中饋待客必豐自食恒  
薄濟人緩急慷慨不吝內外稱賢生四子幼子封甫月餘  
失怙及長受書命就外傳嚴督不少姑息治家整肅大小  
各執生理故李氏門內無博奕吹彈之習亦無嘻笑罵詈

之聲氏之教也年老紡績不輟有勸養息者氏曰天生五  
穀以養人不忍坐食且習勞已慣年六十府憲朱檄以畫  
荻描笄旌之子曰且有傳雲監生封庠生

庠生方龍困北隅人妻李氏幼失恃事繼母以孝稱歸困克  
勤婦道篝燈佐讀雖家計淡泊職勞不怨因好義收養族  
屬孤貧數人始終不忘氏二親無嗣一切養葬竭誠盡孝  
宗黨賢之享年七十卒子鳴候選州同孫模州俱監生

魚步都凌文辰之妻王氏柔順溫恭克嫻婦道事奉翁姑嘗  
嚮釵珥以備甘旨待客有截髮風勤儉積勞家漸裕周貧  
卹乏並不責償教兒孫以力田讀書守法年逾七十閨閣  
欽為典型

貢生程允俊長香都人妻張氏及笄適俊事姑以孝稱二十  
七夫故四子俱幼氏操持家政刻苦教子平居則寂守閨  
中至戚不獲一面性好施予嘗傾廉濟人艱急今子成立  
生孫氏親見之

監生李又憲東隅人妻甯氏十八于歸以孝順稱生二女郎  
勸夫納妾夫不允氏私鬻粧奩命弟往休寧買妾氏待如  
姊妹生二子夫尋卒自持家務教誨二子慈嚴備至又性  
好施與見貧苦者量力周助鄉里稱其賢請於邑令黃繩  
先贈額淑德純禧現年七十有七

詹克漢平正都人妻張氏年十九于歸姑病篤醫藥勿效氏  
剗股和藥飲之病愈及姑歿食粥茹素備極哀毀鄉里皆

感嘆年三十卒

程三德城門都人妻汪氏盡婦職勤內助家豐裕女紅不輟

夫弟周賢早世遺子天柏無依氏收育之飲食教誨如己

出邑令楊旌曰淑德宜家年終七十有六

鄭福霞隴源都人妻吳氏勤儉慈惠年三十艱於子勸夫納

妾及生子天產克遵母教信義孚於里人乾隆四十六年

舉充鄉飲

附壽婦

鄉耆江永發妻潘氏德性溫柔鄉里欽其閭範現年九十歲  
侯兆桂西里都人妻金氏相夫教子家庭雍睦年九十七歲

中華民國廿四年六月七日 收到

抄

2808

